

Datganiad Llywodraeth Cymru o Barth Rheoli Dros Dro (Ffliw Adar) – Ynys Môn

- 1) Mae Gweinidogion Cymru wedi ystyried canfyddiadau ymchwiliadau milfeddygol mewn safle lle amheuir fflw adar, yn unol ag erthygl 13(c) o Gorchymyn Fflw Adar a Fflw sy'n Deillio o Adar mewn Mamaliaid (Cymru) (Rhif. 2) 2006¹ ("y Gorchymyn Fflw Adar") ac erthygl 6(2) o Orchymyn Fflw Adar (H5N1 mewn Dofednod) (Cymru) 2006² (y Gorchymyn Fflw Adar mewn Dofednod).
- 2) Mae Prif Swyddog Milfeddygol Cymru wedi cadarnhau presenoldeb fflw adar pathogenig iawn H5N1 mewn dofednod yng Nghymru.
- 3) Yn unol ag erthygl 6(2) y Gorchymyn Fflw Adar mewn Dofednod ac erthyglau 13(c) ac 17 y Gorchymyn Fflw Adar, er mwyn lleihau'r risg o drosglwyddo fflw adar, mae Gweinidogion Cymru drwy hyn yn datgan dau Barth Rheoli Dros Dro³ yn yr ardaloedd o amgylch y fangre a ddisgrifir yn Atodiad 1 (Parth A) ac yn Atodiad 2 (Parth B) i'r Datganiad hwn lle mae'r mesurau priodol a nodir yn Atodlenni 4 a 5 i'r Gorchymyn Fflw Adar (fel yr ailadroddir yn Atodiadau 1 a 2) yn gymwys.
- 4) Mae ardaloedd A a B y Parth Rheoli Dros Dro wedi'u marcio ar y map yn Atodiad 3.
- 5) Mae'r mesurau hyn yn gymwys o **22:30 ar 25 Tachwedd 2021** hyd nes y caiff y Datganiad hwn ei dynnu'n ôl neu ei ddiwygio drwy ddatganiad pellach.

Llofnodwyd:

Christianne Glossop, Prif Swyddog Milfeddygol Cymru

Dyddiad: 25 Tachwedd 2021

O dan awdurdod y Gweinidog Materion Gwledig a Gogledd Cymru a'r Trefnydd, un o Weinidogion Cymru.

¹ O.S. 2006/2927 (Cy. 262)

² O.S. 2006/3309 (Cy. 299)

³ Ystyrir mai'r TCZ A yw'r 'ail barth' a TCZ B yw'r 'parth cyntaf' o dan Orchymyn Fflw Adar (H5N1 mewn Dofednod) (Cymru) 2006/3309.

Gall methu â chydymffurfio â'r Datganiad hwn fod yn drosedd o dan adran 72 neu 73 o Ddeddf Iechyd Anifeiliaid 1981.

Mae Atodlenni i'r Gorchymyn wedi'u hatodi er mwyn gallu cyfeirio atynt yn hawdd. Mae copiâu o'r Datganiad hwn a'r Gorchymyn ar gael ar [wefan](#) Llywodraeth Cymru ac oddi wrth Lywodraeth Cymru, Parc Cathays, Caerdydd CF10 3NQ.

Atodiad 1

Parth Rheoli Dros Dro

Mae Parth Rheoli Dros Dro A (TCZ-A) yn cynnwys y rhan honno o Ynys Môn sydd o fewn terfynau'r cylch glas lleiaf â'i ganolbwynt yng nghyfeirnod grid SH4671271544 ar y map yn Atodiad 3.

Y Mesurau o'r Gorchymyn Ffliw Adar sy'n gymwys ym Mharth Rheoli Dros Dro A

Cofnod o ymwelwyr

- 1) Yn amodol ar baragraff 5, mae'n rhaid i feddiannydd y parth lle cedwir y dofednod neu adar caeth eraill gadw cofnodion o—
 - a) enw a chyfeiriad unrhyw berson sy'n ymweld â'r safle (oni bai bod yr ymweliad â rhan o'r safle yn unig lle mae pobl yn byw a lle na chedwir unrhyw ddofednod neu adar caeth eraill);
 - b) dyddiad yr ymweliad;
 - c) a yw'r person wedi cael unrhyw gysylltiad â dofednod neu adar caeth eraill ar y safle.

Cofnod o ddofednod

- 2) Mae'n rhaid i feddiannydd unrhyw safle yn y parth wneud cofnod o'r holl ddofednod sy'n cyrraedd neu'n gadael y safle hwnnw cyn gynted ag sy'n rhesymol ymarferol ar ôl y symud.

Cofnod o symudiadau dofednod ac wyau

- 3) Yn amodol ar baragraff 5, mae'n rhaid i unrhyw berson sy'n ymwneud â chludo neu farchnata dofednod neu wyau dofednod yn y parth wneud cofnod cyn gynted ag sy'n rhesymol ymarferol o'r holl ddofednod ac wyau dofednod y mae wedi'u cludo neu eu marchnata.

Symudiadau dofednod i'w cofnodi

- 4) Mae'n rhaid i'r cofnodion y cyfeiriwyd atynt ym mharagraffau 2 a 3 uchod gynnwys—
- a) swm a disgrifiad (yn cynnwys rhywogaethau'r dofednod neu fath o wy) a gafodd eu cludo neu eu marchnata;
 - b) yn achos symudiad o safle yn y parth—
 - (i) dyddiad y symudiad o'r safle;
 - (ii) safle'r gyrchfan (os yw'n hysbys);
 - (iii) enw a chyfeiriad y person sy'n dod neu wedi dod yn berchennog neu'n feddiannydd;
 - c) yn achos symudiad i safle yn y parth—
 - (i) dyddiad y symudiad;
 - (ii) y safle y symudwyd ohono (os yw'n hysbys);
 - (iii) enw a chyfeiriad y person sy'n dod neu wedi dod yn berchennog neu'n feddiannydd;
 - (d) yn achos marchnata heb symudiad cysylltiedig, enw a chyfeiriad y person y trosglwyddwyd y meddiant iddo a dyddiad y trosglwyddiad;

Cwmpas dyletswyddau cadw cofnodion

- 5) Nid yw paragraffau 1 a 3 yn berthnasol i'r canlynol—
- a) symud wyau'n uniongyrchol i safle manwerthu, ar neu o safle o'r fath neu'n dilyn symudiad o'r fath;
 - b) symudiad pobl i sŵau, parciau bywyd gwyllt neu (oni bai ei fod yn ofynnol gan Weinidogion Cymru) unrhyw safle arall sy'n agored i'r cyhoedd, cyn belled nad oes gan y cyhoedd fynediad i unrhyw ardal lle mae adar yn cael eu cadw;
 - (c) symudiad y canlynol i safle lle mae dofednod neu adar caeth eraill yn cael eu cadw—
 - (i) unrhyw berson ar hawl tramwy cyhoeddus neu sy'n defnyddio hawl tramwy i gael mynediad i'r safle;
 - (ii) tresmaswyr;
 - (iii) unrhyw berson sy'n gweithredu'r Gorchymyn hwn.

Ynysu dofednod ac adar caeth eraill

- 6) Mae'n rhaid i feddiannydd y safle yn y parth lle cedwir dofednod neu adar caeth eraill sicrhau eu bod—

(a) wedi'u lletya; neu

(b) wedi eu hynysu (os yw arolygydd milfeddygol yn gorchymyn hynny ar y sail nad yw eu lletya yn ymarferol neu y byddai hynny'n cael effaith andwyol ar les yr adar i raddau sylweddol).

Mesurau lle nad yw adar yn cael eu cadw dan do

7. Os yw adar yn cael eu hynysu ond nid eu cadw dan do, mae'n rhaid i'r meddiannydd—

(a) sicrhau nad ydynt yn dod i gysylltiad â dofednod neu adar caeth eraill ar safle arall

(b) cymryd pob cam rhesymol i leihau eu cysylltiad ag adar gwyllt, yn unol â chyfarwyddiadau arolygydd milfeddygol.

Cyfyngiadau ar symud dofednod, adar caeth eraill a mamaliaid ar ac oddi ar safle

8) (1) Yn amodol ar is-baragraff (2), ni chaiff unrhyw berson symud dofednod, adar caeth eraill na mamaliaid i neu o safle yn y parth lle cedwir dofednod neu adar caeth eraill, oni bai bod y symudiad wedi'i drwyddedu gan arolygydd milfeddygol neu gan arolygydd o dan gyfarwyddyd arolygydd milfeddygol.

(2) Nid yw is-baragraff (1) yn berthnasol i anifeiliaid anwes—

(a) sydd ond yn cael mynediad i'r rhan honno o'r safle lle mae pobl yn byw;

(b) nad ydynt yn dod i gysylltiad â dofednod neu adar caeth eraill ar y safle

(c) nad oes ganddynt fynediad i unrhyw gewyll neu ardaloedd ar y safle lle cedwir dofednod neu adar caeth eraill.

Gwaredu carcasau

9) Mae'n rhaid i'r meddiannydd sicrhau bod pob carcass nad yw wedi'i atafaelu neu ei waredu gan arolygydd milfeddygol yn cael ei waredu yn unol â chyfarwyddiadau arolygydd milfeddygol (oni bai ei fod yn rhoi trwydded i'w ddefnyddio ar gyfer gwneud diagnosis o glefydau).

Mesurau bioddiogelwch

10) Mae'n rhaid i'r meddiannydd ac unrhyw berson sy'n cyrraedd neu'n gadael y safle yn y parth lle cedwir dofednod, neu adar caeth eraill neu wyau—

(a) gymryd mesurau bioddiogelwch fel y mae'n ystyried sydd eu hangen i leihau'r risg o ledaenu ffliw adar i neu o'r safle

(b) cydymffurfio ag unrhyw ofynion bioddiogelwch y mae arolygydd milfeddygol neu arolygydd o dan gyfarwyddyd arolygydd milfeddygol, drwy hysbysiad iddo, yn eu gosod.

Sarn, tail dofednod a slyri

11) Ni chaiff unrhyw berson symud na lledaenu sarn dofednod a ddefnyddiwyd, tail dofednod na slyri dofednod yn y parth oni bai bod arolygydd milfeddygol neu arolygydd o dan gyfarwyddyd arolygydd milfeddygol wedi trwyddedu hynny.

Crynoadau o ddofednod

12) Ni chaiff unrhyw berson ganiatáu i ddofednod neu unrhyw adar caeth eraill gael eu casglu mewn unrhyw ffair, marchnad, sioe, arddangosfa neu unrhyw grynhoad arall yn y parth.

Rhyddhau adar hela

13) Ni chaiff neb ryddhau adar hela yn y parth.

Cyfyngiadau ar symud dofednod, wyau, cig dofednod a charcasau

14) Ni chaiff unrhyw berson symud unrhyw ddofednod, wyau, cig dofednod na charcasau o fewn y parth nag ohono oni bai bod y symudiad—

(a) wedi'i nodi ym mharagraff 16 ac yn—

(i) uniongyrchol; a

(ii) wedi'i drwyddedu gan arolygydd milfeddygol neu gan arolygydd o dan gyfarwyddyd arolygydd milfeddygol;

(b) yn wyau bwyta sy'n cael eu symud yn uniongyrchol i safle cyfanwerthu neu fanwerthu, neu'n dilyn symudiad o'r fath

(c) o fewn yr un safle.

Cludiant ar y ffordd a'r rheilffordd

15) Gellir cludo dofednod ac wyau drwy'r parth ar briffordd neu reilffordd os nad oes rhaid aros ar y ffordd o fewn y parth.

Symudiadau y gall arolygydd milfeddygol neu arolygydd o dan ei gyfarwyddyd eu trwyddedu

16) Y symudiadau y cyfeirir atynt ym mharagraff 14(a) yw symudiadau o'r canlynol-

(a) dofednod o safle yn y parth i'w lladd yn syth mewn lladd-dy dynodedig (os bodlonir gofynion paragraff 17);

(b) cig dofednod (os bodlonir gofynion paragraff 18);

(c) dofednod i ladd-dy dynodedig yn y parth o safle y tu allan i'r parth (os bodlonir gofynion paragraff 19);

(d) cywion diwrnod oed sydd wedi deor o wyau a gynhyrchwyd yn y parth neu o wyau a ddaeth i gysylltiad ag wyau o'r fath (os bodlonir gofynion paragraff 20);

(e) cywion diwrnod oed sydd wedi deor o wyau sy'n deillio o'r tu allan i'r TCZ-A ac a gadwyd ar wahân i wyau a gynhyrchwyd mewn parth o'r fath (os bodlonir gofynion paragraff 21);

(f) dofednod sy'n barod i ddodwy i safle neu ran o safle lle nad oes dofednod yn cael eu cadw (os bodlonir gofynion paragraff 22);

(g) wyau sy'n deor o'r tu allan i'r parth i ddeorfa ddynodedig yn y parth neu i safle dynodedig i'w defnyddio at ddibenion gwyddonol, diagnostig neu fferyllol;

(h) wyau sy'n deor o'r parth—

(i) i ddeorfa ddynodedig

(ii) i safle dynodedig i'w defnyddio at ddibenion gwyddonol, diagnostig neu fferyllol (os bodlonir gofynion paragraff 23 yn y ddau achos);

(i) wyau i ganolfan pacio wyau ddynodedig (os bodlonir gofynion paragraff 24);

(j) wyau i fffatri prosesu wyau;

(k) wyau ar gyfer eu gwaredu;

(l) carcasau ar gyfer eu gwaredu neu wneud diagnosis.

Gofynion i symud dofednod o safle yn y parth i ladd-dy dynodedig

17) Ni ddylid symud dofednod i ladd-dy dynodedig oni bai bod y gofynion canlynol yn cael eu bodloni—

(a) bod arolygydd milfeddygol wedi archwilio'r dofednod yn y safle lai na 24 awr cyn iddynt adael y safle

(b) bod y dofednod yn cael eu cludo mewn cerbydau wedi'u selio gan arolygydd milfeddygol neu yn unol â'i gyfarwyddiadau.

Gofynion i symud cig dofednod o ddofednod a anfonwyd i ladd-dy dynodedig o safle yn y parth

18) Ni ddylid symud cig dofednod o ddofednod yn y parth o ladd-dy dynodedig oni bai ei fod yn bodloni gofynion erthygl 63(2) y Gorchymyn.

Gofynion i symud dofednod i ladd-dy dynodedig o fewn y parth i safle y tu allan i'r parth

19) Ni ddylid symud dofednod o safle y tu allan i'r parth i ladd-dy dynodedig yn y parth oni bai bod y dofednod yn cael eu cadw ar wahân i ddofednod sy'n deillio o'r parth.

Gofynion i symud cywion diwrnod oed sydd wedi deor o wyau a gynhyrchwyd yn y parth neu o wyau a ddaeth i gysylltiad ag wyau o'r fath

20) Ni ddylid symud cywion diwrnod oed sydd wedi deor o wyau a gynhyrchwyd yn y parth neu o wyau sydd wedi dod i gysylltiad ag wyau o'r fath oni bai eu bod yn cael eu cludo mewn cerbydau wedi'u selio gan arolygydd milfeddygol neu yn unol â'i gyfarwyddiadau.

Gofynion i symud cywion diwrnod oed sydd wedi deor o wyau sy'n deillio o'r tu allan i'r parth

21) Ni ddylid symud cywion diwrnod oed o wyau sy'n deillio o'r tu allan i'r TCZ-A oni bai bod y ddeorfa yn y TCZ-A yn cael ei gweithredu mewn ffordd sy'n golygu na ddaw'r wyau hynny i gysylltiad ag wyau neu gywion diwrnod oed o fewn y parth.

Gofynion i symud dofednod sy'n barod i ddodwy

22) Ni ddylid symud dofednod sy'n barod i ddodwy o'r safle yn y parth oni bai—

(a) bod dofednod ac adar caeth eraill ar y safle wedi'u harchwilio gan arolygydd milfeddygol a

(b) bod y dofednod sy'n barod i ddodwy yn cael eu cludo mewn cerbydau sydd wedi'u selio gan yr arolygydd milfeddygol neu yn unol â'i gyfarwyddiadau.

Gofynion i symud wyau sy'n deor o'r parth i ddeorfa ddynodedig neu i safle dynodedig i'w defnyddio at ddibenion gwyddonol, diagnostig neu fferyllol

23) Ni ddylid symud wyau sy'n deor o'r parth i ddeorfa ddynodedig, neu i safle dynodedig i'w defnyddio at ddibenion gwyddonol, diagnostig neu fferyllol oni bai—

(a) bod arolygydd milfeddygol wedi cadarnhau nad yw'n amau bod fflw adar yn yr haid y mae'r wyau'n deillio ohonynt;

(b) bod y wyau a'u deunydd pacio wedi'u diheintio cyn eu danfon; a

(c) bod y wyau'n cael eu cludo mewn cerbydau wedi'u selio gan arolygydd milfeddygol neu yn unol â'i gyfarwyddiadau.

Gofynion i symud wyau i ganolfan pacio wyau

24) Ni ddylid symud wyau i ganolfan pacio wyau ddynodedig oni bai—

(a) eu bod wedi'u pacio mewn deunydd pacio y gellir ei daflu; a #

(b) bod unrhyw berson sy'n cludo'r wyau'n cydymffurfio ag unrhyw ofynion bioddiogelwch a bennwyd gan arolygydd milfeddygol, drwy hysbysiad neu drwy amod trwydded.

Gofynion mewn lladd-dai

25) Mae'n rhaid i feddiannydd y lladd-dy yr anfonir y dofednod o'r parth ato sicrhau bod gofynion erthygl 63 y Gorchymyn cael eu bodloni.

Gofynion ar gyfer cig dofednod o'r parth

26) Mae cig dofednod yn y parth o ddofednod sy'n deillio o'r parth yn destun gofynion a nodwyd yn erthyglau 63(3) a 63(4) y Gorchymyn Ffliw Adar.

Gofynion ar gyfer cig dofednod o'r tu allan i'r parth

27) Mae cig dofednod yn y parth o ddofednod sy'n deillio o'r tu allan i'r parth yn destun y gofynion a nodir yn erthygl 63(3)(a) y Gorchymyn Ffliw Adar.

Glanhau a diheintio cerbydau sy'n cludo unrhyw beth a allai fod wedi'i halogi

28) Mae'n rhaid i unrhyw berson sy'n symud unrhyw ddofednod, adar caeth eraill, cig, porthiant, tail, slyri, sarn neu unrhyw beth arall a allai fod wedi'i halogi, lanhau a diheintio'r cerbyd ac unrhyw gyfarpar a ddefnyddiwyd i gludo'r peth hwnnw cyn gynted ag y bydd wedi'i ddadlwytho, yn unol ag erthygl 66 y Gorchymyn.

Glanhau a diheintio cerbydau

29) Mae'n rhaid i berson sy'n cyrraedd neu'n gadael safle yn y parth mewn cerbyd lanhau a diheintio unrhyw ran o'r cerbyd a allai fod wedi'i halogi yn ddi-oed, yn unol ag erthygl 66 y Gorchymyn.

Mynediad i lefydd gwaharddedig

30) Ni chaiff unrhyw berson fynd i unrhyw le sy'n destun hysbysiad gwahardd o dan erthygl 79 y Gorchymyn ac eithrio yn unol â'r hysbysiad hwnnw neu erthygl 35 y Gorchymyn.

Atodiad 2 - Parth Rheoli Dros Dro B

Mae Parth Rheoli Dros Dro B (TCZ-B) yn cynnwys yr ardal honno o Ynys Môn ar y map atodedig sydd y tu hwnt i'r cylch glas (Parth Rheoli Dros Dro A) ac o fewn y cylch du â radiws o 10 cilomedr â'i ganolbwynt yng nghyfeirnod grid SH4671271544 ac fel y dangosir ar y map yn Atodiad 3.

Mesurau mewn Parth Rheoli Dros Dro B**Cofnod o ymwelwyr**

4) Yn amodol ar baragraff 5, mae'n rhaid i feddiannydd y parth lle cedwir y dofednod neu adar caeth eraill gadw cofnodion o—

a) enw a chyfeiriad unrhyw berson sy'n ymweld â'r safle (oni bai bod yr ymweliad â rhan o'r safle yn unig lle mae pobl yn byw a lle na chedwir unrhyw ddofednod neu adar caeth eraill);

b) dyddiad yr ymweliad;

c) a yw'r person wedi cael unrhyw gysylltiad â dofednod neu adar caeth eraill ar y safle.

Cofnod o ddofednod

5) Mae'n rhaid i feddiannydd unrhyw safle yn y parth wneud cofnod o'r holl ddofednod sy'n cyrraedd neu'n gadael y safle hwnnw cyn gynted ag sy'n rhesymol ymarferol ar ôl y symud.

Cofnod o symudiadau dofednod ac wyau

6) Yn amodol ar baragraff 5, mae'n rhaid i unrhyw berson sy'n ymwneud â chludo neu farchnata dofednod neu wyau dofednod yn y parth wneud cofnod cyn gynted

ag sy'n rhesymol ymarferol o'r holl ddofednod ac wyau dofednod y mae wedi'u cludo neu eu marchnata.

Symudiadau dofednod i'w cofnodi

- 4) Mae'n rhaid i'r cofnodion y cyfeiriwyd atynt ym mharagraffau 2 a 3 uchod gynnwys—
- a) swm a disgrifiad (yn cynnwys rhywogaethau'r dofednod neu fath o wy) a gafodd eu cludo neu eu marchnata;
 - b) yn achos symudiad o safle yn y parth—
 - (i) dyddiad y symudiad o'r safle;
 - (ii) safle'r gyrchfan (os yw'n hysbys);
 - (iii) enw a chyfeiriad y person sy'n dod neu wedi dod yn berchennog neu'n feddiannydd;
 - c) yn achos symudiad i safle yn y parth—
 - (i) dyddiad y symudiad;
 - (ii) y safle y symudwyd ohono (os yw'n hysbys);
 - (iii) enw a chyfeiriad y person sy'n dod neu wedi dod yn berchennog neu'n feddiannydd;
 - (d) yn achos marchnata heb symudiad cysylltiedig, enw a chyfeiriad y person y trosglwyddwyd y meddiant iddo a dyddiad y trosglwyddiad;

Cwmpas dyletswyddau cadw cofnodion

- 5) Nid yw paragraffau 1 a 3 yn berthnasol i'r canlynol—
- a) symud wyau'n uniongyrchol i safle manwerthu, ar neu o safle o'r fath neu'n dilyn symudiad o'r fath;
 - b) symudiad pobl i sŵau, parciau bywyd gwyllt neu (oni bai ei fod yn ofynnol gan Weinidogion Cymru) unrhyw safle arall sy'n agored i'r cyhoedd, cyn belled nad oes gan y cyhoedd fynediad i unrhyw ardal lle mae adar yn cael eu cadw;
 - (c) symudiad y canlynol i safle lle mae dofednod neu adar caeth eraill yn cael eu cadw—
 - (i) unrhyw berson ar hawl tramwy cyhoeddus neu sy'n defnyddio hawl tramwy i gael fynediad i'r safle;
 - (ii) tresmaswyr;
 - (iii) unrhyw berson sy'n gweithredu'r Gorchymyn hwn.

Cyfyngiadau ar symud dofednod, adar caeth eraill a mamaliaid ar ac oddi ar safle

6) (1) Yn amodol ar is-baragraff (2), ni chaiff unrhyw berson symud dofednod, adar caeth eraill na mamaliaid i neu o safle yn y parth lle cedwir dofednod neu adar caeth eraill, oni bai bod y symudiad wedi'i drwyddedu gan arolygydd milfeddygol neu gan arolygydd o dan gyfarwyddyd arolygydd milfeddygol.

(2) Nid yw is-baragraff (1) yn berthnasol i anifeiliaid anwes—

(a) sydd ond yn cael mynediad i'r rhan honno o'r safle lle mae pobl yn byw;

(b) nad ydynt yn dod i gysylltiad â dofednod neu adar caeth eraill ar y safle

(c) nad oes ganddynt fynediad i unrhyw gewyll neu ardaloedd ar y safle lle cedwir dofednod neu adar caeth eraill.

Mesurau bioddiogelwch

7) Mae'n rhaid i'r meddiannydd ac unrhyw berson sy'n cyrraedd neu'n gadael y safle yn y parth lle cedwir dofednod, neu adar caeth eraill neu wyau—

(a) gymryd mesurau bioddiogelwch fel y mae'n ystyried sydd eu hangen i leihau'r risg o ledaenu ffliw adar i neu o'r safle

(b) cydymffurfio ag unrhyw ofynion bioddiogelwch y mae arolygydd milfeddygol neu arolygydd o dan gyfarwyddyd arolygydd milfeddygol, drwy hysbysiad iddo, yn eu gosod.

Sarn, tail dofednod a slyri

8) Ni chaiff unrhyw berson symud na lledaenu sarn dofednod a ddefnyddiwyd, tail dofednod na slyri dofednod yn y parth oni bai bod arolygydd milfeddygol neu arolygydd o dan gyfarwyddyd arolygydd milfeddygol wedi trwyddedu hynny.

Crynoadau o ddofednod

9) Ni chaiff unrhyw berson ganiatáu i ddofednod neu unrhyw adar caeth eraill gael eu casglu mewn unrhyw ffair, marchnad, sioe, arddangosfa neu unrhyw grynhoad arall yn y parth.

Rhyddhau adar hela

10) Ni chaiff neb ryddhau adar hela yn y parth.

Cyfyngiadau ar symud dofednod ac wyau yn y parth

11) Yn amodol ar baragraff 12, ni chaiff unrhyw berson symud unrhyw ddofednod neu wyau o fewn y parth (ac eithrio drwy'r parth ar ffordd neu reilffordd heb aros), oni bai bod hynny wedi'i drwyddedu gan arolygydd milfeddygol.

Dosbarthu wyau i safleoedd cyfanwerthu neu fanwerthu yn y parth

12) Nid yw paragraff 11 yn berthnasol i symud wyau'n uniongyrchol i safleoedd cyfanwerthu neu fanwerthu, neu'n dilyn symudiad o'r fath.

Mesurau bioddiogelwch

13) Ni ddylai arolygydd milfeddygol roi trwydded o dan baragraff 11 oni bai ei fod yn fodlon y bydd y trwyddedai'n cymryd mesurau bioddiogelwch priodol ac mae'n rhaid i gymryd mesurau o'r fath fod yn amodau'r drwydded.

Symud dofednod i ladd-dy

14) Gall arolygydd milfeddygol roi trwydded i symud dofednod o'r tu allan i unrhyw TCZ-A a RCZ-B fflw adar i ladd-dy o fewn y TCZ-B a symudiadau dilynol o'r cig sy'n deillio o ddofednod o'r fath.

Cyfyngiadau ar symud dofednod ac wyau allan o'r parth

15.(1) Yn amodol ar baragraff 16, ni chaiff unrhyw berson symud unrhyw ddofednod neu wyau allan o'r parth, oni bai bod y symudiad yn—

(a) symudiad a nodwyd yn is-baragraff (2); ac

(b) wedi'i drwyddedu gan arolygydd milfeddygol.

(2) Mae'r symudiadau y cyfeirir atynt yn is-baragraff (1) yn symudiadau—

(a) dofednod i'w lladd (os bodlonir gofynion paragraff 17);

(b) cywion diwrnod oed sydd wedi deor o wyau a gynhyrchwyd yn y TCZ-A neu'r TCZ-B neu o wyau a ddaeth i gysylltiad ag wyau o'r fath (os bodlonir gofynion paragraff 18);

(c) cywion diwrnod oed sydd wedi deor o wyau sy'n deillio o'r tu allan i'r TCZ-A neu'r TCZ-B ac a gadwyd ar wahân i wyau a gynhyrchwyd mewn parth o'r fath (os bodlonir gofynion paragraff 19);

(d) dofednod sy'n barod i ddodwy i safle neu ran o safle lle nad oes dofednod yn cael eu cadw;

(e) wyau sy'n deor o'r parth—

(i) i ddeorfa ddynodedig

(ii) i safle dynodedig i'w defnyddio at ddibenion gwyddonol, diagnostig neu fferyllol (os bodlonir gofynion paragraff 20 yn y ddau achos);

(f) wyau i ganolfan pacio wyau ddynodedig (os bodlonir gofynion paragraff 21);

(g) wyau i ffatri prosesu wyau;

(h) wyau ar gyfer eu gwaredu;

Dosbarthu wyau bwyta i safleoedd cyfanwerthu a manwerthu

16) Nid yw paragraff 15 yn berthnasol i symud wyau bwyta yn uniongyrchol i safleoedd cyfanwerthu neu fanwerthu, neu'n dilyn symudiad o'r fath.

Gofynion i symud dofednod o safle yn y parth i ladd-dy dynodedig

17) Gellir symud dofednod o safle yn y parth i ladd-dy dynodedig, ond dim ond o fewn 24 awr ar ôl cwblhau archwiliad milfeddygol o'r safle.

Gofynion i symud cywion diwrnod oed sydd wedi deor o wyau a gynhyrchwyd yn y TCZ-A neu'r TCZ-B neu o wyau a ddaeth i gysylltiad ag wyau o'r fath

18) Ni ddylid symud cywion diwrnod oed o wyau a gynhyrchwyd yn y TCZ-A neu'r TCZ-B neu o wyau sydd wedi dod i gysylltiad ag wyau o'r fath oni bai y cydymffurfir ag unrhyw fesurau bioddiogelwch a bennwyd gan arolygydd milfeddygol drwy hysbysiad neu amod trwydded.

Gofynion i symud cywion diwrnod oed sydd wedi deor o wyau sy'n deillio o'r tu allan i'r TCZ-A neu'r TCZ-B

19) Ni ddylid symud cywion diwrnod oed sy'n deillio o'r tu allan i unrhyw barthau TCZ-A a TCZ-B fflw adar oni bai bod y ddeorfa yn y parth yn cael ei gweithredu mewn ffordd sy'n golygu na ddaw'r wyau hynny i gysylltiad ag wyau neu gywion diwrnod oed o fewn y parth.

Gofynion i symud wyau sy'n deor o'r parth i ddeorfa ddynodedig neu i safle dynodedig i'w defnyddio at ddibenion gwyddonol, diagnostig neu fferyllol

20) Ni ddylid symud wyau sy'n deor o'r parth i ddeorfa ddynodedig, neu i safle dynodedig i'w defnyddio at ddibenion gwyddonol, diagnostig neu fferyllol oni bod yr wyau a'u deunydd pacio wedi'u diheintio cyn iddynt adael y safle.

Gofynion i symud wyau i ganolfan pacio wyau

21) Ni ddylid symud wyau i ganolfan pacio wyau ddynodedig oni bai—

(a) eu bod wedi'u pacio mewn deunydd pacio y gellir ei daflu; a

(b) bod unrhyw berson sy'n cludo'r wyau'n cydymffurfio ag unrhyw fesurau bioddiogelwch a bennwyd gan arolygydd milfeddygol.

Glanhau a diheintio cerbydau sy'n cludo unrhyw beth a allai fod wedi'i halogi

22) Mae'n rhaid i unrhyw berson sy'n symud unrhyw ddofednod, aderyn caeth arall, cig, porthiant, tail, slyri, sarn neu unrhyw beth arall a allai fod wedi'i halogi, lanhau a diheintio'r cerbyd ac unrhyw gyfarpar a ddefnyddiwyd i gludo'r peth hwnnw cyn gynted ag y bydd wedi'i ddadlwytho, yn unol ag erthygl 66 y Gorchymyn Ffliw Adar.

Glanhau a diheintio cerbydau

Mae'n rhaid i berson sy'n cyrraedd neu'n gadael safle yn y parth mewn cerbyd lanhau a diheintio unrhyw ran o'r cerbyd a allai fod wedi'i halogi yn ddi-oed, yn unol ag erthygl 66 y Gorchymyn Ffliw Adar.

Atodiad 3 - Map yn dangos y Parth Rheoli Dros Dro

